



Oet de serie

- **De BABYBOOM- GENERATIE** -

Deil 6

Kermis en fieësdag

Kermissóndig kreges veur jaorliks familiebezoek
En pap deej euver zien greunte alles oet de deuk

Op en de omes kreges den ieërs 'n rónjleing door ziene haaf
Daonao woort gekaart en det ging meestal van röstig toet ouch waal ens graof

Den huurde ze bie 't toepe, 't kruutsjasse of huuëge
"Ich houw d'r twieë blindj" of "ich höb eine druuëge"

Waar 't gesjtraevel veurbie of waar d'r weer eine "betoep"
Reep ós mam: kóm aete 't geuf lekkere sóndese kermissoep

Sjmiddes ginge veur nao de mert en det waar meestal hiel sjiek
Veur krope in de rups, de boetsuitekes en de sjootjes
Sjlókde 'n sókkersjpin, nogablok, popcorn ós gans misselik amper veur eine piek
En veur keke al hiel veurzichtig nao get nette brudjes

De kerreseltied waar veur ós veurbie
Veur probeerde get te winne aan de gokautomate, sjteeds weer opnie

Saoves ginge veur op de kermis wiejer
Waar 't geld den op zagte veur: "Hojje kermis toet de volgende kieër."

Ging de familie nao hoes, zag pap: "Gelökkig det ich kós zjwiege"
Wiezoeë vroeg mam? "Jao zag pap: "Die kóste waal nieks te vraete krieëge."

Hou, hou zag mam: "Kal neet zoe graof."
De familie zag: "Danke, veur kómme truuk en gaer" en det woort grif belaoft

In de goej veurkamer kwame veur allein met kórsmis en niejaor
Dao sjtóng den 'ne sjoëne kórshoum met echte kaerskes en ingelehaor

Met ónger 't lake de fiets van ózze pap, met nul kilomaeter oppe teller
En de haard brandje den wie 'n fakkel feller en feller

't Mót waere gezag: die vlemkes van de kaerskes met ingelehaor haaj genne zin
Want dao vloog ouch waal ens de fik d'rin

In idder geval 't waar 'ne sjoëne gezellige werme familietied
En die herinneringe ziet geur, en ich gegarandeerd neet kwiet

JOHN GUBBELS

(Met get dichterlike vrieheid)